



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo, __.__.2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj _____ godine, primilo je k znanju

Informaciju o provođenju Plana djelovanja za mlade grada Sarajeva za period 01.01.2020. – 01.06.2021. godine

PREDSJEDAVALJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

INFORMACIJA
O PROVOĐENJU PLANA DJELOVANJA ZA MLADE GRADA SARAJEVA
ZA PERIOD 01.01.2020. – 01.06.2021. GODINE

Predlagač: Gradonačelnica
Obrađivač: Gradska služba za obrazovanje,
kulturu, sport i mlade

Sarajevo, juli 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



UVOD

Programom rada Gradskog vijeća Grada Sarajeva planirana je realizacija teme Informacija o provođenju Plana djelovanja za mlade grada Sarajeva 2020.-2024., Gradska služba za obrazovanje, kulturu sport i mlade izradila je informaciju sa realizovanim ciljevima i mjerama iz Plana djelovanja za mlade grada Sarajeva.

Član 8. Zakona o mladima Federacije Bosne i Hercegovine navodi da odgovorni organi vlasti trebaju mladim osobama putem utvrđenih mjera dati na raspolaganje različite mogućnosti u cilju unapređivanja njihovog razvoja. Pod odgovornim organima vlasti Zakon podrazumijeva općinski, gradski i kantonalni nivo vlasti u Federaciji Bosne i Hercegovine. Zakon, znači, obavezuje ove nivoe vlasti da odgovorno poduzimaju utvrđene mjere kako bi unaprijedili razvoj mladih ljudi. Pod utvrđenim mjerama podrazumijevaju se mjere predviđene usvojenim dokumentima, kao što su strategija prema mladima i program djelovanja za mlade koji je donijela svaka institucija za sebe na temelju strategije prema mladima.

U skladu s članom 14. Zakona o mladima Federacije Bosne i Hercegovine, općinski, gradski i kantonalni organi vlasti dužni su samostalno osigurati minimum mjera na planu rada s mladima i omladinskih aktivnosti, kao i mehanizme i kapacitete koji, između ostalog, uključuju uspostavljanje stručnog radnog tijela za izradu, ažuriranje i praćenje provođenja lokalnih i kantonalnih strategija prema mladima u čijem će radu učestvovati predstavnici vijeća mladih ili omladinskih udruženja.

Općinske, gradske i kantonalne vlasti zakonski su obavezne koordinisati aktivnosti u vezi s radom s mladima i omladinskim aktivnostima. Pod koordinacijom aktivnosti podrazumijeva se koordinisanje aktivnosti iz federalne, kantonalne ili općinske/gradske strategije prema mladima, odnosno programa djelovanja za mlade, povezivanje sličnih projekata i aktivnosti, praćenje uspješnosti u provođenju i postizanju rezultata, vođenje evidencije omladinskih aktivnosti i dr.

U članu 8. Zakona o mladima Federacije Bosne i Hercegovine navodi se da rad s mladima nude omladinska udruženja, ostala udruženja, neformalne grupe i drugi nosioci rada s mladima iz nevladinog sektora, kao i nosioci rada s mladima iz vladinog sektora. Odgovornost za rad s mladima snose, znači, i vladin i nevladin sektor. Iz nevladinog sektora su to omladinska udruženja, druga udruženja, neformalne grupe i drugi nosioci rada s mladima, a to su: domaća i strana fizička i pravna lica koja se bave pitanjima mladih ili su subjekti od značaja za promociju i zaštitu uloge i pozicije mladih, a imaju prava i obaveze u skladu s ovim zakonom.

Imajući u vidu sve gore izneseno a u skladu sa Zakonom o mladima FBiH, Gradska služba za obrazovanje kulturu sport i mlade je dana 23.01.2018. godine uputila dopis gradonačelniku Grada Sarajeva gdje se traži da se planiraju sredstva za izradu Plana djelovanja za mlade grada Sarajeva.

Gradska služba za obrazovanje, kulturu, sport i mlade je dana 27.09.2018. godine od gradonačelnika Grada Sarajeva dobila saglasnost da imenuje komisiju za izradu Plana djelovanja za mlade. Komisiju su činili predstavnici četiri gradske općine, članovi Instituta za razvoj mladih Kult, predstavnik komisije za pitanja mladih Gradskog vijeća Grada Sarajeva.

Proces izrade dokumenta Plan djelovanja za mlade grada Sarajeva koordinisala je Gradska služba za obrazovanje, kulturu, sport i mlade uz tehničku i stručnu pomoć Instituta za razvoj mladih KULT, s kojim je ova služba radila i prvo istraživanje i analizu po problemima i potrebama mladih grada Sarajeva.

Gradsko vijeće Grada Sarajeva na sjednici održanoj 04.10.2019. godine usvojilo Plan djelovanja za mlade grada Sarajeva 2020.-2024.

Plan djelovanja obuhvata sedam oblasti koje su od posebnog značaja za mlade, a to su:

- obrazovanje i nauka mladih;
- rad, zapošljavanje i preduzetništvo mladih;
- socijalna briga mladih;
- zdravstvena zaštita mladih;
- kultura i sport;
- aktivizam (učesće, volontiranje i mobilnost) mladih;
- sigurnost mladih.

PROVOĐENJE PLANA DJELOVANJA ZA MLADE GRADA SARAJEVA

OBRAZOVANJE I NAUKA MLADIH

CILJEVI I MJERE	OBRAZLOŽENJE
<p>Cilj: Mladi Grada Sarajeva imaju osiguranje preduvjete za nastavak kvalitetnog školovanja i potaknuti su ostati u formalnom obrazovanju</p> <p>Mjera: Unapređivanje sistema stipendiranja učenika srednjih škola na području grada Sarajeva.</p>	<p>Gradska služba za obrazovanje, kulturu, sport i mlade utvrdila je broj stipendija koje će se dodijeliti u tekućoj školskoj godini učenicima u skladu s kriterijima, a na osnovu planiranih sredstava uz Budžeta Grada Sarajeva 2021. godinu.</p> <p>U odnosu na prošlogodišnji Budžet, sredstva izdvojena za stipendiranje učenika povećana su za više od 20% za tekuću školsku godinu.</p> <p>Objavljen je i javni poziv za stipendiranje učenika, a procedura dodjele je u toku.</p> <p>Promovisan je poziv za stipendiranje putem zvaničnih kanala Grada Sarajeva te na mladima prihvatljiviji način putem medija i društvenih kanala.</p> <p>Za ovaj projekat Grad Sarajevo je planirao 400.000,00 KM.</p>
<p>Mjera: Doprinos Grada Sarajeva studentskom standardu</p>	<p>Grad Sarajevo ima namjeru finansirati rekonstrukciju mokrih čvorova u Studentskom domu Bjelave, kao i sanaciju toaleta i zajedničkih kupaonica, a sve u cilju poboljšanja standarda i uslova boravka studenata u studentskom domu.</p>

<p>Mjera: Promocija deficitarnih zanimanja na području grada Sarajeva</p>	<p>Gradska služba za obrazovanje, kulturu, sport i mlade imala je aktivnu saradnju sa Službama za društvene djelatnosti i mlade u četiri općine Grada Sarajeva, Ministarstvom za obrazovanje, nauku i mlade Kantona Sarajevo te Organizacijama civilnog društva koje se bave zapošljavanjem, mladima i obrazovanjem.</p> <p>Kroz zajedničko djelovanje sa ostalim nivoima vlasti povećan je broj učenika zainteresovanih za studiranje deficitarnih zanimanja. Povećan je broj dodijeljenih stipendija za učenike i studente deficitarnih zanimanja.</p> <p>Obzirom na pandemiju koja nas je zadesila (COVID-19), organizacija promocije deficitarnih zanimanja nije održana sa poslodavcima zbog epidemioloških mjera. Ova aktivnost planirana je za septembar 2021. godine.</p>
<p>Cilj: Mladi Grada Sarajeva aktivno učestvuju u neformalnom obrazovanju koje im omogućava povoljniji položaj na tržištu.</p> <p>Mjera: Unapređivanje saradnje s organizacijama civilnog društva koje se bave neformalnim obrazovanjem mladih na području grada Sarajeva</p>	<p>Stručni saradnik za pitanja mladih u Gradskoj upravi grada Sarajeva kreirao je internu bazu organizacija civilnog društva koje se bave mladima i omladinskih organizacija na području grada Sarajeva s kratkim opisom aktivnosti koje provode. Saradnja na realizaciji projekata sa organizacijama civilnog društva koje se bave mladima i omladinskim organizacijama je <i>kontinuisana</i>.</p>
<p>Mjera: Uspostavljanje promocije programa Grada Sarajeva i njegovih partnera u području obrazovanja na mladima pristupačiji način</p>	<p>Kreirana je interna baza organizacija civilnog društva koje se bave mladima i omladinskim organizacijama na području grada Sarajeva sa kratkim opisom aktivnosti koje provode. Gradska služba za obrazovanje, kulturu, sport i mlade je redovno održavala kontakt s organizacijama kako bi Gradska uprava Grada Sarajeva mogla znati gdje i kakvi se programi obrazovanja provode za mlade.</p> <p>Povećan je broj projekata neformalnog obrazovanja koje podržava Grad Sarajevo. U planu je izrada dva projektna prijedloga u polju neformalnog obrazovanja mladih s organizacijama civilnog društva, putem javnog poziva u 2021. godini.</p>

RAD, ZAPOSŁJAVANJE I PREDUZETNIŠTVO MLADIH

CILJEVI I MJERE	OBRAZLOŽENJE
<p>Cilj: Mladi grada Sarajeva su potaknuti koristiti programe samozapošljavanja i preduzetništva</p> <p>Mjera: Promocija postojećih programa za samozapošljavanje i preduzetništvo mladih</p>	<p>Grad Sarajevo je u proteklom periodu podržao pružanje podrške postojećim programima samozapošljavanja i preduzetništva mladih.</p> <p>Gradska služba za obrazovanje, kulturu, sport i mlade vodila je analizu o tome koje programe u području obrazovanja, samozapošljavanja i preduzetništva provode organizacije civilnog društva s općinama Grada Sarajeva.</p> <p>Redovno su se održavali sastanci sa predstavnicima programa i razmatralo se na koji način bi Grad Sarajevo mogao podržati promociju postojećih programa za samozapošljavanje i preduzetništvo mladih.</p>
<p>Mjera: Podrška i olakšavanje pokretanja poslova mladih</p>	<p>Grad Sarajevo je pružio finansijsku podršku za inicijalne troškove mladima koji pokreću vlastiti biznis.</p> <p>Povećan je broj mladih korisnika programa samozapošljavanja i preduzetništva mladih koji pokreću vlastite poslove u saradnji sa drugim nivoima vlasti u gradu Sarajevu.</p>
<p>Mjera: Promocija uspješnih mladih preduzetnika, preduzeća koja zapošljavaju mlade, programa zapošljavanja, samozapošljavanja i startup programa za mlade</p>	<p>Izvršena je analiza postojećih programa zapošljavanja, samozapošljavanja i startupa mladih po općinama.</p> <p>Definisan je godišnji uspjeh mladih po općinama.</p> <p>Uspostavljena je saradnja s medijima i kreiran je godišnji plan za promociju mladih u biznisu.</p> <p>U narednom periodu planirana je posjeta gradonačelnice i načelnika uspješnim biznisima mladih.</p>
<p>Cilj: Poslodavci na području grada Sarajeva podržavaju zapošljavanje mladih</p> <p>Mjera: Promocija i pružanje informacija poslodavcima o programima zapošljavanja mladih na području grada Sarajeva</p>	<p>Grad Sarajevo putem javnog poziva u 2021. godini planira podržati organizacijski i finansijski programe i aktivnosti koji promovišu zapošljavanje mladih – subvencije za poslodavce koji podržavaju prvo radno iskustvo mladih.</p>

	<p>Održavat će se aktivnosti (radionice, okrugli stolovi, konferencije i sl.) u saradnji s organizacijama civilnog društva i poslodavcima o zapošljavanju mladih, posebno mladih žena i mladih iz marginalizovanih grupa jednom godišnje od 2021. do 2024. godine.</p> <p>U redovnom radu Grad Sarajevo će sa poslodavcima promovisati zapošljavanje mladih.</p>
<p>Mjera: Podrška poslodavcima i mladima u kreiranju ambijenta za prvi poslovni angažman kroz stažiranje i pripravnički rad</p>	<p>Organizovani su konsultativni sastanci sa organizacijama i kompanijama s kojima Grad Sarajevo saraduje i kojima je osnivač, o potrebi za programom stažiranja, kao i potrebama kompanija za programima stažiranja.</p> <p>Grad Sarajevo je u proteklom periodu napisao pisma preporuke za uspješne stažiste kao vid podrške pri prvom zapošljavanju.</p>

SOCIJALNA BRIGA MLADIH

CILJEVI I MJERE	OBRAZLOŽENJE
<p>Cilj: Mladi na području grada Sarajeva upoznati su s programima socijalnog zbrinjavanja mladih i aktivno ih koriste</p> <p>Mjera: Ostvarivanje partnerstva sa socijalnim službama na području grada Sarajeva</p>	<p>Organizovani su konsultativni sastanci sa općinskim službama za socijalnu skrb kako bi se analizirale potrebe mladih, a u cilju doprinosa i zajedničke podrške koju može dati i Grad Sarajevo.</p> <p>Povećana su sredstva za stipendije i programe stipendiranja, poticaja pri zapošljavanju i druge programe koje Grad Sarajevo podržava.</p> <p>Planirana je promocija socijalnog uključivanja mladih u društvo, posebno mladih žena i mladih iz marginaliziranih grupa.</p>
<p>Mjera: Promocija institucija, organizacija i programa koji na području grada Sarajeva podržavaju socijalno uključivanje mladih</p>	<p>Grad Sarajevo je dao podršku programima i projektima koji uključuju mlade iz socijalno isključenih grupa (mlade žene, Romi, djeca bez roditeljskog staranja i sl.) koje vode organizacije civilnog društva, a potiču socijalnu uključenost mladih (npr. programi koje provode domovi za djecu bez roditeljskog staranja, uključivanje mladih iz domova u projekte za zapošljavanje i sl.).</p>

<p>Mjera: Promocija i podrška programa stambenog zbrinjavanja mladih na području grada Sarajeva</p>	<p>Organizovani su konsultativni sastanci sa općinskim službama koje provode programe stambenog zbrinjavanja mladih u cilju zajedničkog djelovanja za podršku prilikom kupovine prvog stana ili kreiranja programa tzv. socijalnih stanova.</p> <p>Gradska uprava Grada Sarajeva imala je svog predstavnika u Komisiji za izradu Strategije za mlade Kantona Sarajevo. Prilikom izrade strategije insistirali smo da se izdvoje što veća sredstva za rješavanje ovih problema mladih.</p> <p>U planu za 2022. godinu je popularizirati pitanje stambenog zbrinjavanja mladih prilikom partnerstava s firmama koje izgrađuju zgrade na području grada Sarajeva i uvođenje kriterija za dodatni sadržaj za dobivanje dozvola firmama koje izgrađuju stambene objekte. (Važnost kreiranja dodatnih sadržaja prilikom izgradnje, poput rampi za bicikla, dječjih igrališta, zelenih površina i sl.)</p>
--	---

ZDRAVSTVENA ZAŠTITA MLADIH

CILJEVI I MJERE	OBRAZLOŽENJE
<p>Cilj: Mladi na području grada Sarajeva prepoznaju programe prevencije i aktivno koriste njima prilagođene zdravstvene usluge</p> <p>Mjera: Promocija zdravih stilova života na području grada Sarajeva</p>	<p>Gradska uprava Grada Sarajeva pružila je podršku programima i projektima koji su namijenjeni zdravlju mladih.</p> <p>Pružena je podrška u promociji javnih institucija i organizacija i njihovih programa koji se bave zdravljem mladih.</p> <p>Podržani su projekti koji imaju za cilj da motivišu mlade za odlazak u planinu/prirodu, pojedinačno ili grupno, porodični izleti, savjetovanište za porodicu i mlade itd.</p> <p>Planirana je za 2020. godinu priprema i provedba kampanje o zdravim stilovima života među mladima. (Općinski vijećnici i druge javne ličnosti Sarajeva koje promovišu život bez nargile i cigarete, redovne preventivne preglede te rekreativno bavljenje sportom i slično. Održavanje radionice s općinskim službama o zdravim stilovima života).</p>

<p>Mjera: Edukacija za školsko osoblje o zdravim stilovima života i prevenciji ovisnosti među mladima na području grada Sarajeva</p>	<p>Uspostavljena je saradnja s organizacijama koje se bave prevencijom ovisnosti.</p> <p>Osmišljeni su projekti programa edukacije za školsko osoblje te provođenje edukacije u saradnji s drugim akterima.</p> <p>Planirano je u 2022. godini provođenje projekta: „Prevencija na ulicama“ Svakog petka, u periodu od 1. maja do 1 juna, u periodu od 17 do 21 sat, u parkovima i na trgovima sve četiri gradske općine, bit će postavljeni promo-pultovi, dijeliti će se flajeri i voditi razgovori sa mladima. Projekat će se realizovati u saradnji sa gradskim općinama, MUP-om KS, Zavodom za alkoholizam i druge toksikomanije Kantona Sarajevo. Cilj projekta „Prevencija na ulicama“ je da mlade potaknemo da prihvate pozitivne stavove prema životu i svom zdravlju, da predstavimo posljedice uzimanja droge, da ih navedemo da donesu odluku da ne probaju opojna sredstva. Osim promotivnih materijala bit će organizovani ulični performansi i street art takmičenja na temu ovisnosti mladih i afirmacije pozitivnih stavova o njihovom okruženju i životu.</p>
<p>Mjera: Stavljanje u fokus projekata koji se bave zdravljem mladih kroz kreiranje dodatnih kriterija za podršku takvim projektima</p>	<p>Gradska uprava Grada Sarajeva prilikom uspostavljanja kriterija i javnog poziva za projekte mladih definisat će kriterije za bodovanje projekata koji se bave zdravljem mladih.</p> <p>U 2022. godini planirano je raspisivanje javnog poziva za podršku projektima od interesa za mlade iz Plana djelovanja za mlade Grada Sarajeva.</p>

KULTURA I SPORT MLADIH

CILJEVI I MJERE	OBRAZLOŽENJE
<p>Cilj: Mladi na području grada Sarajeva aktivno se bave sportom i imaju zdrave životne navike</p> <p>Mjera: Promocija sportskih sadržaja i programa na području grada Sarajeva</p>	<p>Kontinuisano se radilo na aktivnoj promociji, putem društvenih mreža i drugih komunikacijskih kanala, sportskih sadržaja koje besplatno nude sportska udruženja na području grada Sarajeva.</p>

	<p>Grad Sarajevo je pružio finansijsku podršku sportskim manifestacijama koje se redovno održavaju za mlade na području grada Sarajeva.</p> <p>U kriterije za finansijsku podršku sportskim manifestacijama za 2021. godinu planira se uvesti kriterij i obaveza provoditeljima da osiguraju određen broj besplatnih ulaznica namijenjenih mladima, posebno marginalizovanim mladima.</p> <p>Pružena je podrška sportskim kolektivima za organizovanje i provedbu besplatnog rekreativnog sportskog sadržaja za mlade na području grada Sarajeva.</p>
<p>Mjera: Osiguravanje prostornih i kadrovskih uslova za aktivno bavljenje rekreativnim i amaterskim sportom za mlade</p>	<p>Izvršena je analiza postojećih prostornih i kadrovskih uslova za aktivno bavljenje rekreativnim i amaterskim sportom za mlade na području grada Sarajeva.</p> <p>U 2022. godini planiran je razvoj prostornih uslova za aktivno bavljenje rekreativnim i amaterskim sportom za mlade.</p>
<p>Cilj: Mladi na području grada Sarajeva aktivno koriste kulturne sadržaje i učestvuju u njihovom kreiranju</p> <p>Mjera: Promocija učešća mladih na kulturnim manifestacijama na području Grada Sarajeva</p>	<p>Gradska uprava Grada Sarajeva svake je godine pružila priliku mladima da volontiraju u Gradu Sarajevu, Sarajevo Film Festivalu i drugim kulturnim manifestacijama koje podržavaju volontiranje, a imaju podršku od gradske uprave Grada Sarajeva.</p> <p>Pružena je finansijska podrška kulturnim manifestacijama koje se redovno održavaju za mlade na području grada Sarajeva.</p> <p>U 2022. godini planiraju se uvesti kriteriji za finansijsku podršku kulturnim sadržajima i obaveza provoditeljima da osiguraju određen broj besplatnih ulaznica namijenjenih mladima, posebno marginalizovanim mladima.</p> <p>Izdvojena su sredstva kulturnim kolektivima za organizovanje i provedbu besplatnog sadržaja namijenjenog mladima na području grada Sarajeva.</p>

<p>Mjera: Poticanje obrazovanja publike, razvoja kreativnosti i kulturnog stvaralaštva mladih kroz saradnju aktera u društvu</p>	<p>Ostvarena je saradnja sa srednjim školama i ustanovama koje se bave kulturnim sadržajem na području grada Sarajeva u cilju obrazovanja kroz realizaciju zajedničkih izložbi.</p> <p>Grad Sarajevo konstantno radi promociju kulturnih sadržaja namijenjenih mladima na području grada Sarajeva.</p>
---	--

AKTIVIZAM (UČEŠĆE, VOLONTIRANJE I MOBILNOST) MLADIH

CILJEVI I MJERE	OBRAZLOŽENJE
<p>Cilj: Mladi na području grada Sarajeva kvalitetno provode slobodno vrijeme koristeći resurse kojima Grad Sarajevo raspolaže</p> <p>Mjera: Promocija javnih prostora i njihove upotrebe za kvalitetno slobodno vrijeme mladih</p> <p>Mjera: Kreiranje javnog poziva za dodjelu sredstava za projekte mladih</p>	<p>Gradska uprava Grada Sarajeva pruža finansijsku podršku javnim ustanovama u kojima se održavaju aktivnosti od interesa za kvalitetno provođenje slobodnog vremena mladih na području grada Sarajeva.</p> <p>U 2022. godini planirana je promocija volontiranja kroz kreiranje javne kampanje grada o volontiranju, učešće na programima i slično.</p> <p>Gradska uprava Grada Sarajeva će za 2022. godinu planirati sredstva za podršku projektima za mlade.</p> <p>Grad Sarajevo u narednom periodu:</p> <ul style="list-style-type: none"> - Uspostavit će radnu grupu za izradu kriterija za javni poziv namijenjen mladima i projektima mladih na području grada Sarajeva te u istu uključiti članove Komisije za pitanja mladih Gradskog vijeća Grada Sarajeva; - Uskladit će kriterije s postojećim pozivima općina na području grada Sarajeva; - Definisat će prioritete oblasti za podršku projektima mladih svake godine, a u skladu s Planom djelovanja za mlade Grada Sarajeva; - Objaviti javni poziv za finansiranje i sufinansiranje projekata mladih na području grada Sarajeva; - Promocija poziva na mladima pristupačan način (web-stranica i zvanični kanali Grada Sarajeva, društvene mreže, informativne

	<p>prezentacije i radionice u lokalnim zajednicama i sl.).</p> <ul style="list-style-type: none"> - Potpisivanje ugovora, dodjela sredstava i praćenje provedbe dodijeljenih projekata vršit će Gradska služba za obrazovanje, kulturu sport i mlade u saradnji sa članovima radne grupe koja će se uspostaviti.
<p>Mjera: Kreiranje programa podrške za aktivno uključivanje mladih u programe volontiranja na području grada Sarajeva Podrška i preporuka projektima i kompanijama koje omogućavaju volontiranje mladih s područja grada Sarajeva</p>	<p>Grad Sarajevo u 2022. godini planira potpisivanje memoranduma s organizacijama koje su spremne podržati i angažovati volontere u svom radu.</p> <p>Izrađena je baza volontera u saradnji sa Institutom za razvoj mladih Kult, odnosno volontera koji su aktivni na području grada Sarajeva.</p>

SIGURNOST MLADIH

CILJEVI I MJERE	OBRAZLOŽENJE
<p>Cilj: Mladi na području grada Sarajeva osjećaju se sigurno i doprinose sigurnosti svojih vršnjaka i drugih građana</p> <p>Mjera: Kreiranje kampanje za sigurnost mladih</p>	<p>Gradska uprava Grada Sarajeva će u saradnji sa Općinskim službama za društvene djelatnosti i mlade, sportski kolektivima i fudbalskim klubovima na području grada Sarajeva organizovati aktivnosti za prevenciju nasilja, te u istu uključiti organizacije i institucije koje se bave aktivnostima s mladima.</p> <ul style="list-style-type: none"> - Navedene aktivnosti se nisu mogle realizovati zbog pandemije COVID-19.